



Ազդարարութեան Trumpet's Sound կողմ

52-րդ ՏԱՐԻ, ԱԽՏՐԱԼԻԱՆ
ՄԱՅԻՍ - ՅՈՒՆԻՒ 2021



«ԱԶԳԱՐԱՐՈՒԹԵԱՆ ՓՈՂ»
Երկամսյա հոգեւոր թերթ

Պատասխանատու խմբագիր՝
հովիտ Հրաչ Գոյցուճեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Բովանդակութիւն

Ինչ որ բան պակաս է	3
<i>Հովիտ Հրաչ Գոյցուճեան</i>	
Սաղմոսներու եռաբանութիւն (2)	4
<i>Տնա Մրումքք</i>	
Կանոններ եւ յարաբերութիւններ	7
<i>Նէլլ Պորման</i>	
Եղիայի աղօթքները (2)	10
<i>Ակրս Տիրամ</i>	
Լող Աստուածը	13
<i>Քաղուածք</i>	
Բարի Յովիւը	15
<i>Հովիտ Հրաչ Գոյցուճեան</i>	

Կազմի մեջաբը՝ Օգոստոս 2007թ.:

- Ծնորհակալութիւն կը յայտնենք մեր Յօրը իր բոլոր բարութեան համար:
- Ծնորհակալութիւն կը յայտնենք մեր Երկրի եւ մեր ժողովուրդի հանդէպ իր ցուցաբերած ողորմութեան և բարութեան համար:
- Աղօթեցէ՛ք անոնց համար, ովքեր աղքատներուն եւ կոտրուած սրտերուն հոգ կը տանին:
- Աղօթեցէ՛ք, որ Աստուած օրինէ այրիներուն ու որբերուն:
- Աղօթեցէ՛ք իհւանդներու եւ վիրաւորներու ապարինման համար:
- Աղօթեցէ՛ք ACM-ի աշխատակիցներու եւ ծառայութեան օրինութեան համար:
- Աղօթեցէ՛ք Յուլիս ամսին ԱՄՆ-էն Յայաստան այցելող միսիոնարական խումբի օրինութեան համար:

Ի՞նչ որ բան պակաս է

Այօր աշխարհին նայելով կը հասկնանք, որ ինչ որ բան պակաս է, բայց շատերը չեն գիտեր, թէ ինչ է այդ: Արդեօ՞ք այս իրավիճակի պատճառը համաձարակն էր, թէ՞ քանի որ տեղ մը կորսնցուցինք մեր խաղաղութիւնը: Ո՛չ, մենք կորսնցուցինք մեր սերը, կորսնցուցինք Աստուծոյ հանդէս մեր սերը:

Չատ երգիշներ գեղեցկօրէն կ'երգեն սիրոյ մասին, բայց արդեօ՞ք իսկապէս կը ճանչնան սէրը: Ո՞րն է սիրոյ աղքիւրը, ո՞վ կուտայ այն:

Աստուածաշոնչը միակ Գիրքն է, որ յստակ կերպով կը սորվեցնէ այս. Աստուած սէր է: Աստուած ալարզապէս սիրող չէ, Իր ամրող եռորեամբ սէր է: Ան ամրոջորեամբ եւ կատարեալ կերպով կը սիրէ: Սէրը Աստուծն է: Ան է աղքիւրը, սէրը Աստուծոյ սրտէն կը բխէ: Մենք ուրիշ որեւէ բան կամ անձ վնասուելու կարիք չունինք: Ան է, ով մեզ սիրեց, երբ դեռ մենք մեղաւոր էինք, Ան է, ով ուղարկեց Իր Որդին՝ մեր փրկութեան համար մեռնելու:

Աստուած՝ երբեւէ ամենահզօր էակը, տիեզերքը ստեղծողը, Անձամբ կը սիրէ ձեզ: Փորձէք խորապէս մտածել ասոր մասին: Ան կը սիրէ ձեզ, ոչ միայն ընդհանուր առմամբ բոլոր մարդկանց կը սիրէ, այլ՝ անձամբ ձեզ: Ան հոգ կը տանի ձեր կեանքի մասին եւ կ'ուզէ դառնալ անոր մէկ մասը: Նոյնիսկ երք ձեր ամրող կեանքին մէջ խուսափած էք Աստուծն է կամ այնպիսի բաներ ըրած էք, որոնց համար կը զղաք, Ան տակաւին կը սիրէ ձեզ եւ կ'ուզէ ձեզի հետ յարաբերութիւն ունենալ:

Աստուծոյ սէրը անպայմանական եւ անսահման է. այն շատ աւելին է, բան ամէնարնդունակ մարդկանց սէրը: Աստուած Իր հետեւողներուն կը պատուիրէ սիրել միմնանց:

Ի՞նչ կ'ըսէ Աստուածաշոնչը

«Ո՞վ Աստուած, ի՞նչ գերազանց է քու զքութիւնդ: Մարդոց որդիները քու թեւերուդ հովանաւորութեանը կ'ապահինին» (Սաղ. 36:7):

«Ուստի հիմա կը մնայ՝ հաւատք, յոյս, սէր: Այս երեքը ու ասոնց մեծագոյնը սէրն է» (Ա Կորնք. 13:13):

«Սիրելինե՞ր, մէկզմէկ սիրենք, վասն զի սէրը Աստուծմէ է: Ամէն ով որ կը սիրէ՝ Աստուծմէ ծնած է ու կը ճանչնայ Աստուած» (Ա Յովհ. 4:7):

«Քրիստոսին հետ խաչը ելայ եւ ալ կենդանի եմ ո՛չ թէ ես, հասա Քրիստոս կենդանի է իմ մէջու. բայց ես որ իմա մարմնովս կ'ապրիմ՝ Աստուծոյ Որդիին հաւատքովը կ'ապրիմ, որ զիս սիրեց ու իր անձը ինձի համար մատնեց» (Գաղ. 2:20):

Ինչպէ՞ս ստանամ այս սէրը: Ապաշխարութեամբ եկո՛ր Տէր Յիսուսի քով եւ խնդէ՛ Իրեն լեցնել քու սիրտդ Իր սիրով: Սէրը կը վաճէ վայր մեր սրտերէն ու կը վերականգնէ մեզ Յիսուսի մէջ:

Մի՛ շփոքուիք մտածելով, թէ ինչը կը պակսի ձեզ: Գիտակցէ՛ք, որ Տէր Յիսուսի կարիքն ունիք ձեր կեանքին մէջ:

Հ. Գ.

Սաղմոսներու եռաբանութիւն (2)

Սաղմոս 23. հովհի սաղմոսը

Սյս սաղմոսի հանգամանքները բոլորովին կը տարբերին 22-րդ սաղմոսի սոսկալի հանգամանքներէն: Այստեղ չենք կարդար իր քննամիներէն հալածուած մարդու մը մասին, այլ՝ մէկու մը մասին, ով կը մտածէ. թէ ինչպէս Տէրը քնքշօրէն հոգ կը տանի իրեն: Սաղմոսներգուն խնամուած է այնպէս, ինչպէս հովհիը կը խնամէ իր ոչխարներուն:

Դաւիթը կը սկսի այն վստահութեամբ, որ Տէրն իր հովհին է: Լաւ է մեզ համար, եթէ կարողանանք ըստել. «Տէրը իմ Հովհիս է»: Մեզ պէտք է մէկը, ով ունակ է կեանքի իրաքանչիր իրավիճակին մէջ հոգ տանելու մեր մասին: Եթէ Տէրը մեր Հովհին է, մենք բանի մը կարօտութիւն չենք ունենար: Ան կը տրամադրէ մեզ այն ամէնը, ինչ անիրաժեշտ է կեանքի եւ բարեպաշտութեան համար:

Հովհիը ոչխարներուն խոտաւէտ արօտներու մէջ կը պառկեցնէ: Բայց ինչպէ՞ս կրնանք ոչխարին պառկեցնել: Ոչխարները կը պառկին

միայն այն ժամանակ, երբ լիովին խաղաղ ու ապահով կը զգան: Հօտը ոչ միայն պէտք է լաւ կերակրուի, այլ արտաքին սպառնալիքներէն եւ առողջութեանը վտանգող հիւանդութիւններէն զերծ մնայ:

Հովիր նաեւ հանդարտ ջուրերուն քով կ'առաջնորդէ: Ոչխարները հորդացող գետէն ջուր չեն խմէր, ուստի հոգատար հովիր կ'ապահովէ հօտի պատշաճ խնամքը: Մեր Հովիր կը վերականգնէ մեր հոգիները եւ կ'առաջնորդէ մեզ արդարութեան ուղիներով: Ան մեզ կը տանի միայն այն վայրերը, որոնք լաւ են մեզ համար:

Քանի որ Հովիր մեզ հետ է, մենք ոչ մեկ բանէ չենք վախնար: Նոյնիսկ մահուան շուրջի ձորին մէջ, Ան այնտեղ է: Եւ մենք մեզի կը յիշեցնենք, որ քրիստոնեաներու համար մահը խաւար ձոր չէ: Այն մահուան շուրջի ձորն է. եթէ շուրջ կայ, ուրեմն նաեւ լոյս պէտք է ըլլայ, որպէսզի այդ շուրջը ձեւաւորուի:

Հովիր կը պաշտպանէ եւ կը խնամէ իր գաւագանով ու ցուպով: Արեւելեան հովիր իր գաւագանը կ'օգտագործէ ոչխարներուն վրայ յարձակելու փորձ ընող թշնամիներէն: Ան իր ցուպը կ'օգտագործէ, որպէսզի փրկէ դժուարութեան մէջ յայտնուող ոչխարներուն եւ այսպիսվ անոնց միսիթարութիւն տայ:

Մենք ապահովուած ենք մեզ համար անհրաժեշտ ամէն ինչով: Նոյնիսկ մեր թշնամիներու ներկայութեամբ մենք ապահովուած ենք անհրաժեշտ ամէն ինչով: Մեր գլուխը իւղով օծուած է եւ մեր բաժակը խիստ լեցուն է:

Սահմուերգուն ապագային վստահութեամբ կը նայի, քանի որ գիտէ թէ բարութիւնն ու ողորմութիւնը իրեն պիտի հետեւին իր կեանքի բոլոր օրերուն մէջ ու շատ օրեր Տիրոց տան մէջ պիտի բնակի: Թափառական վիճակները վերջ պիտի գտնեն ու վերջապէս մեր տունը պիտի հասնինք:

Մեզ համար շատ կարեւոր հարց մը կայ. արդեօ՞ք կը ճանչնար այս Հովիին, արդեօ՞ք անձնական կապ ունիք Անոր հետ, ով կեանքի իրաքանչիր իրավիճակին մէջ ունակ է մեզ համար հոգ տանելու:

Սաղմու 24. Գերիշխանի սաղմուը

Սաղմոսի տրամադրութիւնը կրկին այլ է. ահա յաղթանակի ձայնը:

Աստուած յաղթական է բոլորի նկատմամբ: Երկիրն ու անոր մեջ եղած ամէն ինչ, ինչպէս նաև անոր քնակիշները Իրեն կը պատկանին: Դավթը կը մտածէ Աստուած ստեղծած աշխարհի մասին եւ կը խստովանի Արարչի մեծութիւնը:

Արարչի մեծութեան մասին մտածելը կը յանգեցնէ այն հարցին, թէ Ո՞վ կրնայ կենալ Անոր առջեւ: Ո՞վ կրնայ մօտենալ նման Սուրբին:

Ո՞վ կրնայ բարձրանալ այնտեղ, ուր Տէրն է կամ կենալ Անոր սուրբ տեղը: Ո՞վ կը համարձակի այս վեհ Աստուածոյ մօտենալ: Դաւիթը չորս յատկութիւններ կը քուարկէ.

- Մաքուր ձեռքեր ունեցողը. անոր գործերը շիտակ են: Կը յիշենք Յովսէփի եղբայրները, ովքեր միասին գործեցին Յովսէփէն ազատելու համար: Տարիներ անց իրենց գործը գտաւ իրենց:
- Մաքուր սիրտ ունեցողը. անոր շարժառիթները կասկածի տակ չեն դրուիր: Միշտ չէր, որ Դաւիթի շարժառիթները մաքուր էին: Երբ իր մեղքը քարցնելու ոչ մի ճար չկար, ան ծրագրեց Ռուբայի սպանութիւնը:
- Կուրքերին չերկրպագողը. ան միայն Տէր Աստուածոյ կը պաշտէ: Իսրայէլցիններու Եգիպտոսի ստրկութիւնէն ազատելէ անմիջապէս յետոյ կռապաշտութեան դիմելը ցոյց տուաւ, որ անոնց սիրտը Աստուածոյ հետ ուղիղ չէր:
- Շշմարտութիւնն ըստող. ան սուս երդում չի ըներ եւ իր մեջ կեղծաւորութիւն չկայ: Կը յիշենք Յակոբին ով օրինութիւն ստանալու համար խարեց իր հօրը: Բայց Աստուած փոխեց Յակոբին: Կրնանք յիշել Դաւիթին, ով Աքիմելէք քահանային խարեց ըսելով, թէ բազաւորի շտապ գործով զբաղուած է, այն ինչ իրականութեան մեջ իր կեանքի համար կը փախչէր:

Դաւիթը կը նշէ թէ ասոնք են այն մարդիկ, ովքեր կը ստանան Տիրոց օրինութիւնն ու արդարութիւնը: Անոնք մարդիկ են, ովքեր Տիրոց երեսը կը փնտուեն:

Յաղթական մուտքը

Անգամ մը Տէրը աւանակի վրայ նստած մտաւ Իր քաղաքի դար-

պասներէն ներս: Այստեղ սաղմոսերզուն աւելի մեծ մուտքի մասին կը խորհի:

Սովորաբար անձն իր գլուխը կը խոնարհեցնէ փառաւոր մարդու ներկայութեամբ, բայց այստեղ դարպասները պէտք է իրենց գլուխը բարձր պահեն: Թագաւորը ներս կը մտնէ. ո՞վ է այս թագաւորը:

- Ան փառաց թագաւորն է: Երկրի վրայ Ան ծածկեց Իր փառքը, բացառութեամբ անոնց, որոնց հաւատքով ընդունեցին, որ Ինքն է Մեսիան:
- Ան հզօր Տէր է: Ան ամենակարող է, որու առջեւ իւրաքանչիւր ծունկ պիտի խոնարհի: Ոչ ոք պիտի չկրնայ Իրեն դիմադրել:
- Ան պատերազմի մէջ հզօր Տէր է: Տէր Յիսուսը խաչի վրայ պատերազմի մէջ մտաւ ու ջախջախեց անոր, ով մարդկանց մահուան վախի գերութեան մէջ կը պահէր:
- Ան Զօրաց Տէրն է: Ան Իր տրամադրութեան տակ այնպիսի զօրք ունի, որու համրանքը հնարաւոր չէ: Ան տիեզերքի դեկավարն է:

Թագաւորի մեծութեան մասին խորհելով պարզապէս բան չի մնար մեզի ընելու բացի այն, որ երկրպագութեամբ խոնարհինք Անոր առջեւ, Ով շնորհեց մեզ Իր սուրբ լեռը բարձրանալու արտօնութիւնը:

Թոյլ կուտա՞ր կրկին հարցնել. Թագաւոր Թագաւորացին հնազա՞նդ էր:

Տոն Սքորմը

Կանոններ եւ յարաբերութիւններ

Պրոշ քրիստոնեաներու համար հոգեւոր կեանքը ոչ այլ ինչ է բան կանոններու պահպանումը: Անոնք կը խորհին, թէ բարոյական կեանքով ապրիլը բաւարար է, ուստի իրենք իրենց համար որոշ կանոններ կը սահմանեն, որոնք առանց խնդրի ու դժուարութեան կը փորձեն պահպանել: Անոնք ոգելից խմիչք չեն օգտագործէր, չեն ծխէր,

Երդում չեն ընէր եւ զգոյշ են զումարի նկատմամբ. զգոյշ են այն վաստակելու եւ պահպանելու նկատմամբ: Սակայն այրավիսի կեանքի մէջ երկու բան կը պակսի. առաջին՝ զուտ բարոյական կեանքը հոգեւոր կեանք չէ, եւ երկրորդ՝ անոնք Տիրոջ հետ յարաբերութիւն չունին, այլ միայն կանոններ կը պահպանեն: Իրաքանչիւր անձ պէտք է կարողանայ տեսնել, որ այդպիսի կեանքը ոչ այլ ինչ է, բան մեր բարձր կոչման աղքատիկ ու մահացու նմանակումը: Կանոնները երբեք չեն կրնար փոխարինել յարաբերութիւններուն:

Այնուամենայնի մենք զիտենք, որ անձնական կարգապահութիւնը շատ օգտակար է քրիստոնեայի համար, եւ այն անպայմանօրէն որոշ կանոններու պահպանում կը պահանջէ: Ասոնք կրնան դրական կամ բացասական ըլլալ. «Ես այս բանը պիտի ընեմ» կամ «Ես այս բանը պիտի չ'ընեմ»: Այնուամենայնի ատոնք կանոններ են, եւ միայն ատոնց վրայ կեղունանալը մեծ վտանգ կը պարունակէ իր մէջ:

Վտանգն այն է, որ դուք կը սկսիք մտածել, որ Աստուծոյ հետ ձեր ունեցած խաղաղութեան իհմքը ոչ թէ Տէր Յիշուսի միջոցով է, այլ ձեր պահպանած կանոններու միջոցով: Եթէ բարիք գործէք, որեմն օրինուած էք ու Աստուծոյ առջեւ ուղիղ էք, բայց եթե թիշ մը սայթաքիք կամ հանգստանաք, որեմն ձեր խաղաղութիւնը կը վերանայ: Եթք այսպէս կը մտածէք, իրաքանչիւր կարգապահութիւն ծանք կը քուայ ձեզի համար, իսկ Աստուծ՝ որպէս անկարեկից դեկավար, եւ ոչ թէ Երկնաւոր Հայր:

Ուստի, այս սխալէն զերծ մնալու համար մենք պէտք է գրեթէ մողեռանդօրէն կառչենք Քրիստոսի փառահեղ Աւետարանէն, որտեղ նըշուած է որ մեր արժանիքները արժէք չունին, եւ որ Իր զոհաբերութիւնն է ամենակարեւորը: Միայն այդ զոհաբերութեամբ կրնանք հաշտուիլ Աստուծոյ հետ: Այն երբեք մեր արժանիքով կամ առարինութեամբ ձեռք չի բերուիր: Ամրողջական, կատարեալ եւ յախտենական հաշտեցումը կատարուեցաւ Անոր խաչի արեան եւ հրաշափառ յարութեան զօրութեան միջոցով: Մենք հաւատքի միջոցով Իր հետ մեր ունեցած յարաբերութեան շնորհի է, որ ապահով իհմք ու լիակատար փրկութիւն ունինք:

Ուրեմն ինչո՞ւ ընդհանրապէս անձնական կարգապահութեամբ զբաղուիլ: Քանի որ մեր փրկութիւնը աւարտած չէ, մենք անհամբեր

կը սպասենք մարմնի խոստացուած յարութեանը, երբ Տէրը վերադառնայ: Միեւնյն ժամանակ մենք երեք քշնամիներ ունինք, որոնց հետ պէտք է պայքարենք՝ աշխարհը, որը կը շարունակէ Քրիստոսին մերծել, սատանան, որը կը փորձէ կործանել Անոր աշխատանքը, եւ մեր սեփական մեղատր բնուրիւնը, որը կը նախընտրէ աստուած ըլլալ քան երկրպագել Աստուծոյ: Անձնական կարգապահութիւնը պարզապէս ընթացիկ հոսանքին հակառակ լողալ կը նշանակէ. այս անհրաժեշտ է սորվելու, աճելու եւ Տիրոջը ծառայելու համար: Ոչ ոք չի կրնար հոգեւոր կեանք ապրիլ առանց այս կարգապահութեան: Պօղոսը Տիմոթէոսին ուղղուած իր նամակին մէջ կը խօսի մարզիկներու եւ զինուորներու մասին: Այդ ժամանակուայ հաւատացեաները լաւ հասկցած էին կարգապահութեան արժեքը:

Այնուամենայնիւ, կը մնայ մէկ կարեւոր հարց. Ինչպիսի՞ն է հոգեւոր կեանքը:

Տէր Յիսուսը հոգեւոր կեանքով ապրողի կատարեալ օրինակն է: Եթէ ձեզ լսեն, որ վարքի որոշակի տեսակը Հոգին է, որեմն պարզապէս դուք ձեզի հարցուցէք, թէ արդեօ՞ք Յիսուսը նման վարք կը դրսեւորէք: Սուրբ Գիրքը յստակ կ'ըսէ. «Ան որ կ'ըսէ թէ «Անոր մէջ կը բնակի», այնպէս պէտք է քալէ՝ ինչպէս անիկա քալեց» (Ա Յով. 2:6):

Արդեօ՞ք հոգեւոր անձը ինքն իրեն շատ սուրբ եւ մաքուր կը զգայ: Ո՛չ, ի տարրերութիւն Տիրոջը, մենք ապականած եւ մեղատր բնոյք ունինք, որու հետ ամէն օր պէտք է գործ ունենանք, որպէսզի մեղքը «չքագաւորէ ձեր մահկանացու մարմնին վրայ» (Հոռվմ. 6:12): Մինչ կը շարունակէք Հոգիով քալել սորվիլ, դուք աւելիով կը գիտակցիք ձեր ապականութեան մասին: Այնուամենայնիւ դուք կը սորվիք ազատուիլ անոր ազդեցութիւնէն, այնպէս որ կը սկսիք սիրել աւելի ազատ եւ աւելի անձնուրաց: Մարդիկ ձեր կեանքին մէջ աւելի շատ Քրիստոսին կը տեսնեն, բայց դուք ընդհանրապէս չէք զգար, որ Քրիստոսանան էք: Այնուամենայնիւ կը ճաշակէք Անոր խաղաղութիւնը եւ աւելի ու աւելի կ'ուրախանաք Իրմով: Ձեր բաժակը խիստ կը լեցուի, բարերարութիւնն ու ողորմութիւնը ձեզի հետ պիտի գան ձեր կեանքի բոլոր օրերուն մէջ ու շատ օրեր Տիրոջը սունը պիտի բնակիք:

Նէյլ Պուրման

Եղիայի աղօթքները (2)

Գ Թագ. 16-18

Արդեօք տեսա՞ք, թէ Եղիան ինչ ըրաւ, որպէսզի պատասխանուի իր աղօթքը:

1. Խոստվանեց յայտնի մեղքը

Ան խոստվանեց երկրի մէջ Բահաղի երկրագութեան մեղքը: Ան սպանել տուաւ Բահաղի մարգարեներուն ու մարդկանց ապաշխարութեան առաջնորդեց:

2. Անոր աղօթքը Աստուծոյ Խօսքի համաձայն էր

Ուշադրութիւն դարձուցէք, որ Եղիան զիտեր Աստուծոյ Խօսքը եւ զիտեր, թէ ինչն է երաշտի պատճառը (Բ Օր. 11): Եթէ մարդիկ Աստուծոյ հաճելի կեանքով ապրին, ապա անձրեւ կուգար:

3. Հաւատքով աղօթեց

«Վե՛ր ելիր, կե՛ր ու խմէ՛, վասն զի անձրեւի ոտնաձայն կայ» (Գ Թագ. 18:41): Իրականութեան մէջ այդ պահին ընդիանրապէս անձրեւ չկար: Երկնքի մէջ նոյնիսկ մէկ ամազ չկար. այն այնպէս էր, ինչպէս վերջին երեքուկէս տարիներու ընթացքին էր: Եղիան պարզապէս զիտեր, որ իր աղօթքը պիտի պատասխանուի, քանի որ այդ ամէնը ներդաշնակ էր Աստուծոյ յայտնած խօսքին: Ասիկա ցոյց տուաւ իր հաւատքը:

4. Անոր աղօթքը անկեղծ էր

Ան խոնարհեցաւ գետնին ու դէմքը դրաւ իր ծունկերուն մէջտեղը: Եղիան խոնարհեցաւ ամենազօր Աստուծոյ առջեւ եւ՝ իր սրտով եւ՝ մարմնով: Մարթին Լութերն ըսած է. «Եթէ աղօթքի նետը պէտք է Երկինք պլանայ, ապա այն պէտք է արձակուի ամբողջութեամբ ծոած աղեղէն»:

5. Անոր աղօթքը յարատեւ էր

Եղիան աղօթեց, իսկ յետոյ ուղարկեց իր ծառային՝ տեսնելու, թէ արդեօք ամպերը կ'երեւին: Վեց անգամ ծառան հանգիստ ծովին նայեցաւ,

որը կը շողար բոցավառ արեւի եւ անամայ երկինքի տակ: 7-րդ անգամ ան տեսաւ փոքրիկ ամպ մը: Եղիայի համար ասիլկա բաւական էր: Ան ծառային ըսաւ, որ երթայ եւ Աքաարին ըսէ, թէ արագ շարժուի, երէ չ'ուզէր ցեխի մէջ մնալ. «Սինչեւ ասդին անդին դառնալը երկինք ամպերով սեւցաւ եւ հով կար ու սաստիկ անձրեւ եկաւ» (18:45): Այսուհետեւ Եղիան վազեց Աքաարէն առաջ՝ քառասուն քիլոմետր մինչեւ Յեզրայէլ: Աղօթքը պատասխանուեցաւ:

Յիշէք Յակոբոսի ըսածը, որ Եղիան մեզ նման կրքերու ենթակայ մարդ էր: Պատասխանուած աղօթքի բոլոր տարրերը այնպիսին են, որոնք մենք նոյնպէս կրնանք կատարել.

- դարձի՛ եկէք յայտնի մեղքերէն,
- աղօթեցէք Աստուծոյ կամքին համեմատ,
- Հաւատք ունեցէք,
- Եղէք եռանդուն եւ յարատեւող:

Անկեղծ աղօթք

Եղիան մարտահրաւէր նետեց ապստամք ազգին, այնուհետեւ մի կմոց՝ Յեզրայէլի երեսէն վախցած փախչեց: Ան իր կեանքի համար վազեց դէպի հեռաւոր հարաւ՝ Բերսարէ: Այստեղ թողեց իր ծառային, անապատին մէջ մէկ օրուան ճամբայ գնաց ու զիհիի մը տակ նստաւ եւ սրտանց մեռնիլ ուզեց: Գիհին փոքր ծառ է, որը մեծ տերեւներ չունի, հետեւարար ծառին տակ նստողին շուրջով չի ապահովէր:

«Ալ հերի՛ք է, ո՞վ Տէր, ա՞ն իմ հոգիս, քանզի ես իմ հայրերէս լաւ չեմ»: Հիմա կարո՞ղ էք տեսնել, թէ ինչու Եղիան մեզ նման սովորական մարդ էր: Ան յաղթանակի բլուրի գագարէն ընկաւ ընկճուածութեան հովիտը: Վերջին օրերը լցուած էր յուզական սրբեսով. վախ եւ ֆիզիկական ուժասպառութին կար: Ինչո՞ւ ան յուսահատուեցաւ: «Իմ հայրերէս լաւ չեմ» կը մտածէր: Ան այնքան ալ ուժեղ չէր, որքան կը կարծէր: Այդ տկար պահին Եղիան աղօթեց: Այս աղօթքէն շատ քան կը սորվինք Եղիայի՝ Աստուծոյ հետ ունեցած յարաբերութեան նասին: Կրնա՞ք իր նման աղօթել. «Աստուծ՛, ես կուշտ եմ: Կեանքը պարզապէս չափազանց ցաւոտ եւ բարդ է: Ես կը կարծէի, որ բարձր տեղն եմ, բայց իհնա ամէն ինչ սխալ կ'ընթանայ, պարզապէս առաջ շարժուելու

ճամբայ չկայ»: Ի՞նչ է ձեր կարծիքը. կը խորհիք թէ Աստուած կը զայրանա՞յ ձեզ վրայ, եթէ այսպէս աղօքէք:

Ասիկա կը սորվեցնէ մեզի աղօքիք եւ Աստուծոյ հետ մեր յարաքերութիւններու ամենահիմնական սկզբունքներէն մէկը՝ անկեղծութիւնը:

Անոնք, որոնք կը ճանչնան Աստուծոյ, գիտեն, որ Անոր սէրը ուժգին է: Անոնք նաև գիտեն, որ ան կ'ատէ սուտը:

- Եթէ վատ կը զգաք, իրեն մի՛ ըսէք որ հոյակապ կը զգաք: Ըսէ՛ք, որ վատ էք:
- Եթէ մտահոգուած էք, իրեն մի՛ ըսէք, որ լուռ կը վստահիք Իր հաւատարմութեանը: Ըսէ՛ք իրեն, որ անհանգիստ էք:
- Եթէ տխուր էք, իրեն մի՛ ըսէք, որ ուրախ էք: Ըսէ՛ք, որ տխուր էք:
- Եթէ կը կարծէք, որ Ան ձեզ քողած է, ըսէ՛ք իրեն, որ այդպէս կը զգաք:

Ասիկա անկեղծ եւ իսկական աղօքք է: Պատմէ՛ք Աստուծոյ այն, ինչ կը կատարուի ձեր ներսը: Ան կրնայ հասկնալ: Աստուծոյ եւ ձեր միջեւ իրաքանչիր կարեւոր գործարք կը սկսի անկեղծութիւնէն: Երբ ասիկա հասկնաք, դուք կը սկսիք առաջ շարժուիլ:

Յորք Աստուծոյ պատմեց իր զգացումները եւ Աստուած ցոյց տուաւ իրեն առաջ երթալու ճամբան: Եղիայի յուսահատ աղօքքը դարձաւ կեանքի բոլորովին նոր փուլի սկիզբը: Աստուած Եղիայի մեռնելու խնդրանքին պատասխանեց վճռական «ոչ»-ով: Ասիկա աղօքքի հրաշքն է: Աստուած մեզ չի տար այն ամէնը, ինչ կը խնդրենք Իրմէ. քանի որ յաճախ կը խնդրենք այնախսի քաներ, որոնց համար յետոյ կը զղանք:

Աստուած պատասխանեց Եղիայի անկեղծ աղօքքին Իր պատասխանով եւ ոչ թէ Եղիայի ակնկալած պատասխանով: Աստուած իրեշտակ ուղարկեց Եղիային կերակրելու համար: Սա հրաշալի ձեւով ցոյց կուտայ, թէ ինչպէս Աստուած նրանկատօրէն մեզ հետ կը վարուի, երբ կեանքի ցածր տեղերուն մէջ կը գտնուինք: Եղիան իսկապէս յուսահատ էք: Ինչպէ՞ս կը վարուի Աստուած Եղիայի հետ: Երբ Եղիան ընկած վիճակի մէջ էք, Աստուած իրեն ոչ թէ աւելի քիչ ուշադրութիւն դարձուց, այլ աւելի շատ ուշադրութիւն դարձուց:

Որքան ընկած էր Եղիան, այնքան աւելի սէր եւ ուշադրութիւն ստացաւ Աստուծմէ: Եղիայի անկեղծ աղօթքը իր ճանապարհորդութեան մէջ ապաքինման եւ կազդուրման նոր գործնթացի սկիզբ էր: Անկեղծօրէն աղօթելու սկզբունքը կենսական նշանակութիւն ունի, եթէ իսկապէս կը փափաքիր, որ Աստուած պատասխանէ ձեր աղօթքները:

Սորվեցէք անկեղծութեամբ աղօթել ու լսել Աստուծոյ: Այդպիսով դուք թոյլ կուտաք, որ Աստուած ցոյց տայ ձեզի այն ինչ կը կատարուի ձեր կեանքին մէջ: Այդ մտերիմ հաղորդակցութեան ժամանակ Աստուած կը սկսի վերափոխել ձեզ: Ան ցոյց կուտայ, թէ որքան հիանալի կերպով ամէն քան իր վերահսկողութեան տակ է: Եւ Եղիայի պէս դուք կը բացայայտէք ձեր մասնակցութիւնը այդ հիանալի ծրագրին մէջ:

Ակսէք այնտեղ, որտեղ կը գտնուիք, բացէք ձեր սիրտը եւ աղօթեցէք այնպէս, ինչպէս կաք, եւ ոչ թէ այնպէս, ինչպէս պէտք է ըլլաք: Աղօթքի արկածի մէջ դուք կը բացայայտէք, որ Աստուած շատ աւելի լաւն է, քան երբեւէ պատկերացուցած էիք:

Ուրս Տիրլավ

Հոռո Աստուածը

«Կատուն ձագեր ունեցաւ մեր վարի յարկի հիւրերու սենեակին մահիմին վրայ».- կը պատմէ Հռութ Կրահամ: Այս տեղը անյարմար դատելով, հավաքեցինք նորածին փիսիկները ու զանոնք խավաքարտէ տուփի մը մէջ դնելով, խոհանոցի վառարանին առջև զետեղեցինք. մինչեւ որ աւելի լաւ տեղ մը գտնէինք:

Սակայն մայր կատուն իւրայատուկ խորհուրդ ունէր: Զուարճութեամբ դիտեցինք մինչ ան լրութեամբ խոհանոց մտաւ, ետեւի քարեյուն վրայ կայնեցաւ, առջեսի քարերը տուփին վրայ զետեղեց, հոտուրտալով իր ձագերը: Ապա ճկունութեամբ ցատկեց տուփին մէջ եւ մէկ մէկ փիսիկներուն կռնակէն բռնած ետ տարաւ զանոնք վարի հիւրասենեակի մահիմին վրայ: Միայն մէկ ձագ մնաց տուփին մէջ,

բայց մաման ետ չեկաւ: Կրնայ ըլլալ որ շատ յոգնեցաւ եւ կամ զբաղ էր ձագերը կերակրելով:

Սպասեցինք: Վերջապէս տուփին յատակը մնացած պօտիկ փիսիկը շշուկ մը հանեց, գրեթէ անձայն ճիշ մը: Անմիջապէս, առանց մլաւելու, մայր կատուն եկաւ, իջաւ սնտուկին մէջ եւ ամենափոքր ձագը բերնովը բռնեց ու շալկելով զայն տարաւ հիւրանոց: Երեք դուռ, երկու սենեակ եւ երկու անցը հետուէն ան լսած էր իր տկար ձագուկին ճիշը, որը նոյնիսկ լման կանչ մը չէր:

Մեր ալ աղօքքները շատ անգամ կատարեալ չեն, եւ ոչ ալ յատուկ օգնութեան աղերսանքներ: Աստուածաշունչին համաձայն, Աստուած մեր հառաջանքներուն, արցունքներուն եւ մրմունջներուն կը պատասխանէ: Նոյնիսկ մեր բաղձանքները կրնան որպէս աղօքք մեկնաբանուիլ:

17-րդ դարու սուրբքոց աստուածաբան Շան Թրէք՝ Սալմոս 145-ը մեկնաբանելով կ'ըսէ: «Տէրը մօտ է այն ամէնուն որ զինք կը կանչեն, անոնց շունչը կը զգայ, երբ մարած ըլլալով ձայն չեն կրնար հանել» (Սաղ. 145:18):

Ուստի աղօքենք, աղաղակենք կամ մռնոանք, Աստուած մեզ կը լսէ եւ կ'արտօրայ շտապ օգնութեան հասնելու:

«Օրինեալ ըլլայ Տէրը որ լսեց իմ աղօքքիս ձայնը: Տէրը իմ զօրութինս ու իմ ասպարս է, իմ սիրտս անոր յուսաց, ու ես օգնութին զտայ, ուստի սիրտս ուրախացաւ եւ ես իմ երգովս զանիկա պիտի զովեմ» (Սաղ. 28:6-7):

Քաղուած՝ «Աւետարեր ձիթենին» զիրքէն



«Ով Տէր, դուն մեզի ապաւէն եղար ազգէ մինչեւ ազգ:
Լեռներուն ծնանելէն առաջ՝ երկրի եւ աշխարհի ստեղծուելէն
առաջ՝ յաւիտենից մինչեւ յաւիտեանս դուն ես Աստուած»

Սաղ. 90:1-2

Բարի Հովհիւր

**««Ես եմ բարի հովհիւր». բարի հովհիւր իր կեանքը
ոչխարներուն համար կը դնէ» (Յովհ. 10:11)**

Ստնիք շատ կարեւոր խօսքեր են: Մեր Տէր Յիսուսէն բացի ոչ ոք չէր կրնար ըստել այս խօսքերը: Քրիստոսի այս խօսքերը կը նշանակեն, որ Ան է իմ Բարի Հովհիւր: Ան է, ով կ'ուղղէ իմ քայլերս, Ան է իմ Առաջնորդս, իմ Պաշտպանս: ««Ես եմ բարի հովհիւր». բարի հովհիւր իր կեանքը ոչխարներուն համար կը դնէ»: Ինչպիսի հրաշալի Փրկիչ է Ան, որ պատրաստ էր եւ կ'ուզէր Իր կեանքը ինծի համար դնել: Տէր Յիսուսը պարզապէս խոստում չտուաւ. Ան խաչին վրայ մահացաւ իմ մեղքերուս համար, որպէսզի ես ապրիմ: Այսօր ես կ'ապրիմ Քրիստոսի համար՝ այն մեծ յոյսով եւ ուրախութեամբ, որ ուր որ Ան է, ես ալ այնտեղ պիտի դլլամ: Մենք հիանալի վստահութիւն ունինք: Եթէ Քրիստոսի հանդէպ այս նոյն հաւատքն ունիք, ուրեմն դուք նոյնապէս օրինուած էք:

Կը յիշեմ մի քանի տարի առաջ հայրենիք կատարած այցս, երբ որոշեցի հովհի մը գտնել ու անոր երկու հարց ուղղել: Երկար ճանապարհ վարեցինք, բայց չհանդիպեցանք հովհիի մը: Հայաստանի մէջ մնալու օրերս գրեթէ աւարտին հասած էր, բայց վառը կուտամ Տիրոջը, որ վերջին օրերուն մէջ բլուրի մը վրայ հովհի մը տեսայ: Վարորդին խնդրեցի կանգ առնել, եւ ես սկսեցի այդ բլուրը բարձրանալ: Խեղճ հովհիւր զարմացած կը նայէր, թէ ինչու անծանօթ մը կը շտապէ իրեն հետ հանդիպելու: Ես մօտեցայ իրեն ու ըսի. «Աստուածաշունչի մասին երկու հարց ունիմ ձեզի տալու»: Նախ՝ Յիսուսը ըսաւ. «Ես եմ բարի հովհիւր»: Ես իրեն հարցուցի. «Դուք բարի՞ հովհի էք: Ի՞նչը ձեզ բարի հովհի կը դարձնէ»: Խեղճ մարդը դէմքիս նայեցաւ ու պահ մը մտածեց: Իմ հարցս շատ լուրջ ընդունեց, այնուհետեւ պատասխանեց ըսելով. «Ես բարի հովհի եմ»: Ես հարցուցի. «Ի՞նչը ձեզ բարի հովհի կը դարձնէ»: Ան պատասխանեց. «Տեսէք, այս հօտի բոլոր ոչխարներն իմը չեն: Անոնցմէ ոմանք դրացիխ կը պատկանին, բայց ես բոլորի համար հաւասարապէս հոգ կը տանիմ: Այդ պատճառով կը խորիիմ, թէ բարի հովհի եմ»: Ես ալ ըսի, թէ ուրախ եմ նման բարի հովհիւր մը

հետ հանդիպելու համար, բայց շարունակեցի ըսելով. «Ես երկրորդ հարցում մըն ալ ունիմ: Տէր Յիսուսն ըսած է. «Բարի հովիր իր կեանքը ոչխարներուն համար կը դնէ»: Արդեօ՞ք ասիկա կը նշանակէ, որ Տէրը կ'ուզէ ըսել թէ, բարի հովիր կոչուելու համար պէտք է ձեր կեանքը ոչխարներուն համար դնէք: Ան պահ մը լուր մնաց: Լրջօրէն մտածեց, ապա բարձրածայն ծիծաղեց: Ան ըսաւ. «Ո՛չ, ո՛չ, ես երբեք այս ոչխարներուն համար կեանքս չեմ դնէր»:

Եւ փառք կուտում Տիրոջը ըսելով. «Տէր Յիսուս, Դուն ես միակ Բարի Հովիր»: Սիրելի՛ բարեկամ, այս Հովիր Իր կեանքը դրաւ ձեզի համար, որպէսզի դուք ապրիք: Այս Հովիր Իր արիւնը բափեց մեղաւոր տղամարդկանց եւ կանաց համար: Երբ կը մերժէք Տէր Յիսուսին, դուք կը մերժէք Անոր կատարած հրաշալի աշխատանքը, կը մերժէք Անոր բափած արիւնը եւ այդպէս ընելով դուք կ'ըսէք, որ Անոր քաւչարար արիւնը չի կրնար մաքրել ձեզ: Սիրելի՛ բարեկամ, եթէ այդ որոշումը կ'այսցնէք, դուք կը մեռնիք ձեր մեղքերուն մէջ, բայց եթէ ճշմարտութիւնը ընդունիք եւ Տէր Յիսուսին մօտ գալով ըսէք. «Տէր Յիսուս, Դուն ես իմ Հովիս, ես միայն Քեզի պիտի հետեւիմ ու միայն Քու ճայնի պիտի լսեմ ու միայն Քու ճամբաներուդ մէջ պիտի քալեմ եւ միայն Քու արօտավայրերուդ մէջ պիտի արածեմ», ապա պիտի ճաշակէք Անոր փրկութիւնը եւ պիտի ունենար Քրիստոսի հետ յախտենական կեանք: Դուք ձեր սրտին մէջ պիտի ունենար Տէր Յիսուսի տուած ուրախութիւնը, դուք պիտի ժառանգէք փրկութեան ուրախութիւնը:

Եկէ՛ք Բարի Հովիրին մօտ: Եկէ՛ք ու նստէ՛ք Անոր ուոքերուն մօտ ու ճաշակէ՛ք Քրիստոսի սէրը: Թող Տէրը օրինէ ձեզ եւ օգնէ մեզ բոլորիս հասկնալու, թէ որքա՞ն մեծ, որքա՞ն լայն եւ խորն է Տիրոջ սէրը մեր նկատմամբ: